



FAMILY LAW
AND PARENTAL
SUPPORT AUTHORITY



Kolaborativno konversacija

Jek žutipe le dadenge taj le dejange ande separacia

Dnr. AD 2025-448

So si e kolaborativno konversacija?

Le dada taj le deĵa savenge pharesi te edĵezin jek jekhesa ande pušimata pa e griža, pa kher taj pa dikhipe, taj sar sel duj rodžici si te žutin le šavoreski ekonomija, šaj len kontakto la komunasa te len žutipe pa kolaborativno konversacija. E kolaborativno konversacija kerelpe tela kerunko la komunako taj šaj kerelpe kana le rodžici keren separacia, pala e separacia, vaj kodole rodžicenca kaj šoha či trajisarde khetane.

E kolaborativno konversacija del le rodžicen drom te edĵezin jek jekhesa ande pušimata pa e griža, pa kher, pa dikhipe taj le šavoreski ekonomija zamjaz te boldempe kaj le krisi. Te si kade ke le rodžici aba line kontakto la krisasa, šaj e krisi decidolij pa kolaborativno konversacija te si ke pačan ke si drom le rodžicen te lašaren o problemo. E kolaborativno konversacija si volno, de sel duj rodžici trobun te len udžalo te šaj avel jek konversacija.

Le komunura den kolaborativno konversacija

Le rodžici šaj boldenpe kaj e komuna te si ke kamen kolaborativno konversacija. Sa le komunura si te den kolaborativno konversacija le rodžicen kaj trobuj len kodo. E kolaborativno konversacija kerelpe pe familiake čačimata (familjerättsenheter) ande komunura.

Ando socialo la komunako si vi familiake čačimata taj familiaki rada (familjerådgivning). E Familiake čačimata žutil diferentni problemonca ande familiake pušimata, sar ekzemplo e kolaborativno konversacija, pušimata pa e griža, pa kher taj pa dikhipe le šavoresa, pušimata pa dadipe, e rodžici, taj vi pa adopciji. E Familiaki rada del žutipe parenge taj familjenge kana si len konliktura. Kontaktovo informacija pa familiake čačimata taj familiaki rada arakhen pe le webcajtura la komunake.

So si o celo la konversacijasa?

O celo la konversacijasa si le rodžici te arakhen formi te šaj khetane keren buči pe šavoresko mištipe. Kado si pe kodo te edĵezin jek jekhesa ande pušimata pa griža, pa kher, pa dikhipe taj pa šavoreski ekonomija bi te trobun te boldempe kaj e krisi. Ande rama la kolaborativno konversacijaki, le rodžici šaj len žutipe te iskirin kontrakto pa griža, pa kher taj pa dikhipe le šavoresa. Te šaj avel jek kasavo kontrakto juridičnje ande zor musaj te avel iskirime telal khatar o socialnämnden.

Ande le kolaborativni konversaciji šaj le rodžici vorbinpe pa sar khetane te inkeren le šavoreski ekonomija.

Fakta pa volno kolaborativno konversacija

- E kolaborativno konversacija si po iva.
- E konversacija kerelpe tela sekretesso.
- Le konversaciji si kerde kade te šaj aresen kaj zajemni edĵezimata.
- Le šerutne la konversacijake šaj žutin te iskirin kontrakto pa griža, pa kher taj pa dikhipe.
- Le šerutnen naj čačiipe te len deciziji pa griža, pa kher, pa dikhipe vaj pa ekonomija, von feri si te žutin le rodžicen, ande le šavoresko mištipe, te edĵezin jek jekhesa.

Le šavoresko mištipe si ando fokus

Pala o zakono trobuj le šavoresko mištipe te avel angluno ande sa le pušimata pa griža, pa kher taj pa dikhipe. Anda kodo si le šavoresko mištipe o punkto kaj katar kezdis e konversacija. Musaj te das pačif kodo so kamel o šavoro, pala le šavoreske berš. Le šavoreske zuraless važnoj le rodžici khetane te šaj arakhen drom pa e griža, pa kher, pa dikhipe taj pa ekonomija, zamjaz te avel e decizija katar e krisi.

Le šavoresko udžalo

Le šavoren si čačipe te len udžalo ande pušimata kaj si pa lende. Sar o šavoro lel udžalo ande rama la kolaborativno konversacijaki, zaležij pa save pušimata le rodžici diskutulin. Če ilij vaj na te vorbin le šavoresa ande le rodžicengi kolaborativno konversacija zaležij pe šavoreske berš taj če le šavores trobuj informacija taj te phenel pa peski situacija.

Sar žal e kolaborativno konversacija?

Le rodžici kaj kamen te mangel kolaborativno konversacija šaj len kontakto la komunasa pe familiake čačimata.. Unji komunura si len blanketura te pheren, kaver primin le rodžicos pa telefono. E kolaborativno konversacija kerelpe jekhe vaj duje šerutnenca. Le šerutne si butivar sacionomura maj uča školas.

Univar kezdijspe e kolaborativno konversacija jek po jek sakone rodžicesa, te šaj o šerutno žanel avri save pušimata si aktualni le rodžicenge, taj sar le konversaciji si te aven šutine. Pala kodo kerenpe le konversaciji sel duje rodžicenca khetane.

Sodivares trobuj te maladžon pe kolaborativno konversacija si razno. Unji rodžicenge dostaj jekha konversacijasa, kaveren trobun maj but. O šerutno la konversacijako phenel savo sekretesso si la konversacija. Ande e konversacija šaj le rodžici len informacia pa savo zakono kaj so naležijpe taj šaj vorbinpe pa pušimata anda save trobun te len pozicija jako rodžici. Ekzemplura pe pušimata šaj aven: Kaj si te trajij o šavoro? Trobuj e griža te inkeren khetane?

Sar trobuj o dikhipe le šavoresa te vortardžol? Sar trobuj te ulavas le koštura pa amaro šavoro sako rodžiceske?



Griža, kher, dikhipe, ekonomija – jek opraluno dikhipe

E komuna si pala o zakono jek obovjonsko te del kolaborativno konversacija taj te žutij te iskirin kontrakto pa griža, pa kher taj pa dikhipe le šavoresa. Ando šovto kapitlo ando Föräldrabalken arakhes informacia pa griža, pa kher taj pa dikhipe, taj ando eftato kapitlo arakhes informacia pa le rodžicengo obovjonsko pe ekonomija le šavoreski.

Griža

Kodoles kas si e griža pe jek šavoro bušol o grižako rodžico (vårdnadshavare). Jek rodžico saves si e griža si butivar vi le šavoresko šero. Jek šavoro šaj avel tela griža sel duje peske rodžicengi (spulno griža) vaj feri tela jek anda rodžici (korkori griža). E grižake rodžicos si o juridično obovjonsko po šavoro taj o obovjonsko ke le šavoreske fundamentalni trubujimata te aven pherde. O grižako rodžico naj musaj vov ekženo te pherel le šavoreske trubujimata, feri kado šaj vi jek kaver rodžico kerel savo naj o grižako rodžico.

Kher

Rodžici saven si spalno griža šaj korkora decidin kaste o šavoro te trajij bi te šonpe andre e krisi vaj o socialo. Te si le rodžicen spalno griža, šaj trajij o šavoro sel donde, unjivar kaj o jek unjivar kaj o kaver. De o šavoro šaj feri avel skirime jekhe rodžicoste.

Dikhipe

Le šavores si čačipe te dikhelpe le rodžicosa savesa či trajij, feri na kana kodo žal kontra pe le šavoresko mištipe. O dikhipe si anglunes le šavoreske, taj pe le šavoreske inčeresura taj trubujimata. Rodžicos naj jek absolutno čačipe te dikhel peske šavores.

Ekonomija

Jekhe rodžicos si o obovjonsko pe le šavoreski ekonomija, vaj trajij le šavoresa vaj na, taj njezaležnje kas si e griža po šavoro. Kodo rodžico kaj naj les e griža po šavoro taj či trajij le šavoresa, inkerel pesko obovjonsko pa ekonomija kana počinel underhållsbidrag (love po trajo) le kavere rodžicoske.

O underhållsbidrag trobuj, opruč e košti po xabe, po kher taj pe gada vi te inkludulij kasave dželura sar forsekringura, aktivitetura, školake počinimata, medicina, ukulara, mobiltelefonu, tradimata maškar le rodžici kana si te dikhenpe taj but kaver dželura.

Tuke kaj kames te žanes maj but

Pe e institucia pe familiake čačimata taj pe rodžicengo žutipe po webcajtto www.mfof.se arakhes maj but informacia pa kolaborativno konversacija. Khate arakhes vi publikaciji pe familiake čačimata ande e komuna sar kerel buči pa griža, pa kher taj pa dikhipe. Taj šaj vi ginaves maj but pa le šavoreski ekonomija.

Kaver myndighetura

Pe Försäkringskassans taj Konsumentverkets webcajtura arakhes maj but informacia kaj šaj avel po žutipe kana kerdžol separacia.